

## **Službene novine Federacije BiH, broj 75/12**

Na osnovu člana 27. stav 8., a u vezi sa članom 74. stav 1. alineja 8. Zakona o sjemenu i sadnom materijalu šumskih i hortikulturnih vrsta drveća i grmlja ("Službene novine Federacije BiH", br. 71/05 i 8/10), federalni ministar poljoprivrede, vodoprivrede i šumarstva donosi

### **PRAVILNIK**

#### **O USLOVIMA KOJI OSIGURAVAJU ZADRŽAVANJE KVALITETA SJEMENA**

##### **Član 1.**

Ovim Pravilnikom propisuju se uslovi koji osiguravaju zadržavanje kvaliteta sjemena šumskih i hortikulturnih vrsta drveća i grmlja (u daljem tekstu: sjeme).

##### **Član 2.**

Sjeme koje je stavljeno u promet mora se čuvati u uslovima koji obezbjeđuju zadržavanje njegovog kvaliteta do isteka važnosti deklaracije o kvalitetu sjemena. Deklaracija o kvalitetu sjemena važi za vremenski period od 6 mjeseci od datuma izdavanja.

##### **Član 3.**

Pravno lice koje se bavi prometom sjemena mora posjedovati prostorije u kojima je moguće obezbijediti umjetne uslove sredine koji su optimalni za čuvanje sjemena pojedinih vrsta šumskog i hortikulturnog drveća i grmlja. Sjeme zadržava kvalitet suho hladnim i vlažno hladnim čuvanjem, čuvanjem na sobnoj temperaturi i u djelimičnom vakumu.

##### **Član 4.**

Kod suho hladnog čuvanja sjeme se čuva na temperaturi iznad tačke smrzavanja (0-3°C). Za potrebe ovog načina koristi se frižider ili hladnjača zavisno od količine sjemena koje se čuva.

##### **Član 5.**

Za vlažno hladno čuvanje sjemena moraju se obezbijediti hladnjaci, hladnjače ili hladni podrumi gdje se temperatura može kontrolisati i gdje je obezbijeđena cirkulacija zraka.

##### **Član 6.**

Za čuvanje sjemena na sobnim temperaturama moraju se obezbijediti prostorije koje su prozračne.

##### **Član 7.**

Za čuvanje sjemena u djelomičnom vakumu moraju se koristiti posude koje se hermetički zatvaraju.

##### **Član 8.**

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 07-02/1-1648-1/12 24. augusta 2012. godine

Sarajevo

Ministar **Jerko Ivanković-Lijanović**, s. r.

## **Službene novine Federacije BiH, broj 75/12**

Na temelju članka 27. stavak 8., a u svezi sa člankom 74. stavak 1. alineja 8. Zakona o sjemenu i sadnom materijalu šumskih i hortikulturnih vrsta drveća i grmlja ("Službene novine Federacije BiH", br. 71/05 i 8/10), federalni ministar poljoprivrede, vodoprivrede i šumarstva donosi

### **PRAVILNIK**

#### **O UVJETIMA KOJI OSIGURAVAJU ZADRŽAVANJE KAKVOĆE SJEMENA**

##### **Članak 1.**

Ovim Pravilnikom propisuju se uvjeti koji osiguravaju zadržavanje kakvoće sjemena šumskih i hortikulturnih vrsta drveća i grmlja (u daljnjem tekstu: sjeme).

##### **Članak 2.**

Sjeme koje je stavljeno u promet mora se čuvati u uvjetima koji obezbjeđuju zadržavanje njegove kakvoće do isteka važnosti deklaracije o kakvoći sjemena. Deklaracija o kakvoći sjemena važi za vremenski period od 6 mjeseci od datuma izdavanja.

##### **Članak 3.**

Pravna osoba koja se bavi prometom sjemena mora posjedovati prostorije u kojima je moguće obezbijediti umjetne uvjete sredine koji su optimalni za čuvanje sjemena pojedinih vrsta šumskog i hortikulturnog drveća i grmlja. Sjeme zadržava kakvoću suho hladnim i vlažno hladnim čuvanjem, čuvanjem na sobnoj temperaturi i u djelimičnom vakumu.

##### **Članak 4.**

Kod suho hladnog čuvanja sjeme se čuva na temperaturi iznad točke smrzavanja (0- 3 °C). Za potrebe ovog načina koristi se frižider ili hladnjača ovisno od količine sjemena koje se čuva.

##### **Članak 5.**

Za vlažno hladno čuvanje sjemena moraju se obezbijediti hladnjaci, hladnjače ili hladni podrumi gdje se temperatura može kontrolirati i gdje je obezbijeđena cirkulacija zraka.

##### **Članak 6.**

Za čuvanje sjemena na sobnim temperaturama moraju se osigurati prostorije koje su prozračne.

##### **Članak 7.**

Za čuvanje sjemena u djelomičnom vakumu moraju se koristiti posude koje se hermetički zatvaraju.

##### **Članak 8.**

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 07-02/1-1648-1/12 24. kolovoza 2012. godine

Sarajevo

Ministar **Jerko Ivanković-Lijanović**, v.